



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 57. Epistolæ Papæ in Galliam missa.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

§. LVII.

Sæculum VI.

A. C. 556.

Epistola Papæ in Galliam missa.

Confessionem Fidei ista ampliorem misit Papa ad Childebertum Francorum Regem, qui accepta Papæ Epistola cum quibusdam Reliquiis, Monachis Lerinensibus deferentibus, Legatos misit, petiitque etiam Reliquias SS. Petri & Pauli, aliorumque Martyrum. Legationis Princeps, cui Nomen Rufinus, dixit ad Papam; esse in Gallia, qui quererentur, fidem Catholicam fuisse labefactatam, rogavitque Papam, ut profiteretur, se integram S. Leonis Epistolam recipere, aut Fidei Confessionem mitteret. Idem Legati nomine Sapaudi Episcopi Arelatensis Prærogativam Vicarii Papæ in Galliis & Pallium petierunt. Pelagius Papa abrupta omni mora primæ Petitioni Rufini circa Epistolam S. Leonis satisfecit, scripsitque ad Regem Childebertum in hæc verba:

Ep. 9. 10.

Ep. 16.

Ep. 11.

Ab obitu Theodoræ Imperatricis finitæ sunt de Fide lites in Oriente. Non nulli solummodo Articuli hominum privatorum fuisse examinati, quorum explicationem valde prolixam unius Epistolæ pagella non caperet. Ut autem Tibi, & omnibus Confratribus nostris Galliæ Episcopis faciamus satis, edicimus, nos anathematizare quemcunque, qui vel latum unguem

Ep. 10.

disce-

Sæculum VI. A. C. 556. *discedit a Fide, quam Leo Papa in Epistolis suis docuit, & Concilium Calcedonense in suo Decreto amplexum est. Ne igitur ad sermones futiles hominum, qui scandala serunt, attendas. Imperator omnes Hæreses, quæ usque ad tempus, quo fasces capessivit, dominatæ fuerant, extinxit; Hæreticorum Episcoporum Ecclesias, pingues*

Sup. lib. XXXII. S. 27. *reditus plurima vasa pretiosa ad Catholicos transtulit. Qui in errore perseverarunt, improbe uniuntur, & nulli parcunt labori, ut Ecclesiam perturbent, & dividant. Tempore, quod Constantinopoli versabamur, huc & in Italiam confictas litteras nostro Nomine mittebant, dicentes, Nos fateri, Fidem Catholicam fuisse corruptam. Abucudum contra nos afferunt epistolas, quibus nullius hominis Nomen præfixum. Nestoriani præprimis has turbas cient, qui audent affirmare, opinionem suam a Sententia Concilii Calcedonensis & Leonis Papæ non esse alienam, cum tamen Leo Nestorium ideo damnaverit, quod duas Naturas separatas assereret. In hac quoque Provincia turbarunt aliquos Episcopos simplices, prima Fidei elementa ignorantes, Quæstionem non intelligentes, & nescientes, quantum bonum sit, a Fide Catholica non aberrare. (*)*

Causa,

(*) Nempe paucissimi erant illis temporibus viri docti, Barbaris Nationibus bellico furore omnia implentibus.

Causa, ob quam Constantinopoli multum Sæculum VI.
diuque Persecutionem tulimus, illa est, quam A.C. 557.
diximus, quod Imperatrice in vivis agen-
te omnia, quæ de Rebus Ecclesiasticis agi-
tabantur, nobis suspecta essent. Hæc E-
pistola, quam Rufinus detulit, undecima
Dec. anno 556. data est.

Papa acceptis Epistolis a Rege & Sapaudo ad se datis, Sapaudum Sanctæ Sedis Vicarium per universam Galliam edixit, & usum Pallii data Epistola 3. Febr. anno 557. concessit. Simul Regi Childberto Confessionem Fidei amplissimam misit, in qua explicat Mysteria de Trinitate & Incarnatione, novissimas Hæreses refutans, itemque Doctrinam exponit de Resurrectione mortuorum, quod verisimiliter ad refellendos Origenistas adjecit.

Altera etiam Epistola ad Sapaudum data Papa scire expetebat, an missa sua Fidei Confessio Regi & Episcopis Galliæ satisfecisset. Tum Sapaudi & Parentis ipsius Placidi Benevolentia commendat Romanos, quos in Galliam confugere terror hostium Italiam vastantium compulerat. Memorem esse monet mittendi vestes, de quibus antea dixisset, *Quippe, inquit, quis satis hominum in hac Civitate paupertatem, & corporum nuditatem referat? cor dolore obruitur, atque oculos cogor avertere, ne civium ho-*

Ep. 15.

Hist. Eccles. Tom. VII.

Ccc nesto

Sæculum VI. *neſto loco natorum & quondam divitum*
 A. C. 557. *miferiam conſpiciam.* Hæc Epiftola 13.
 April. ejusdem anni 557. data.

§. LVIII.

Concilia Arelate & Pariſiis celebrata.

Paucis ante hæc annis Sapaudus præfue-
 rat Concilio Arelatensi quinto, ter-
 tio Cal. Jul. Childeberti anno 33. id est
 29. Jun. anno 554. celebrato. Aduere
 Episcopi undecim, & octo ab absentibus
 delegati, nimirum Presbyteri quatuor,
 duo Archidiaconi, & duo Diaconi, om-
 nes ex Provincia Arelatensi & duabus
 aliis vicinis Narbonensi secunda, atque
 Alpium maritimarum. In eo Concilio
 conditi sunt Canones septem, quorum
 primus jubet, ut Episcopi Conprovin-
 ciales morem Ecclesiæ Arelatensis sequan-
 tur, & panes in Altari offerri solitos si-
 milis formæ esse procurent. Monaste-
 ria tam Virorum, quam foeminarum Ju-
 risdictioni Episcopi Diocesani subjiciun-
 tur. Clerici fundos, quorum usumfru-
 ctum ab Episcopo acceperint, non red-
 dant deteriores sub pœna Disciplinæ id
 est pœnæ corporalis, quæ Clericis juve-
 nibus adhibebatur. Ita illi, qui necdum
 erant Subdiaconi, vocabantur.

to. 5. p. 814.
 v. Cointe an.
 557. n. 10.

In Concilio Parisiensi tertio, quod an-
 no 557. celebratum creditur, decem Ca-
 nones